



BOSNA I HERCEGOVINA
PARLAMENTARNA SKUPŠTINA
ZATUPNIČKI DOM

Komisija za financije i proračun

Broj: 01/4-011-1787/03

Sarajevo, 3.3.2004. godine.

Z A P I S N I K

**14. sjednice Komisije za financije i proračun Zastupničkog doma
Parlamentarne skupštine Bosne i Hercegovine,
održane 11.2. 2004. godine**

Sjednica je počela u 10,00 sati.

Sjednici su prisustvovali:

- Nikola Kragulj, predsjedatelj Komisije,
- Filip Andrić, prvi zamjenik predsjedatelja Komisije,
- Fatima Leho, drugi zamjenik predsjedatelja Komisije,
- Ljiljana Milićević, član Komisije,
- Hazim Felić, član Komisije,
- Beriz Belkić, član Komisije,
- Dr. Zlatko Lagumdžija, član Komisije.

Odsutan su bili članovi Komisije: Abdulah Nakaš, dr. Zlatko Lagumdžija i Mirko Blagojević.

Od gostiju sjednici su prisustvovali: Ivan Miletić, Generalni revizor finansijskog poslovanja institucija Bosne i Hercegovine i njegovi zamjenici: Samir Mušović i Dragan Kulina.

Za sjednicu je predložen i jednoglasno usvojen sljedeći

D n e v n i r e d

- 1. Usvajanje zapisnika 13. sjednice Komisije,**
- 2. Informiranje o revizijskim izvješćima proračunskih korisnika za 2002. godinu,**
- 3. Tekuća pitanja.**

Ad 01. **Usvajanje zapisnika 13. sjednice Komisije**

Predsjedatelj Komisije Nikola Kragulj predložio je raspravu o zapisniku s 13. sjednice Komisije. Zastupnik Beriz Belkić predložio je da se u zapisnik 13. sjednice u tački 2. umjesto riječi “kretanja” stave riječi “dosadašnje procedure”. Primjedba Beriza Belkića je prihvaćena.

Nakon toga, članovi Komisije jednoglasno su usvojili zapisnik 13. sjednice Komisije, uz primjedbu Beriza Belkića.

Ad 02. Informiranje o revizijskim izvješćima proračunskih korisnika za 2002. godinu,

Predsjedatelj Komisije je u uvodu za ovu točku dnevnog reda podsjetio prisutne o ranije preuzetim obavezama članova Komisije na sagledavanju revizijskog izvješća budžetskih korisnika. On je podsjetio na zaduženja sa 10. sjednice i dug period priprema pojedinačnih izvješća, te predložio da se odredi kalendar aktivnosti. Ukazao je na prisustvo glavnog revizora i njegovih zamjenika, te predložio raspravu o ovoj točki.

U dugoj i sveobuhvatnoj raspravi učestvovali su prisutni članovi Komisije kao i gosti.

Gđa Ljiljana Milićević je tražila brži rad na ovoj problematici, te je predložila da se u kratkom roku Komisija izjasni o ovom Izvješću.

G. Filip Andrić je takođe nezadovoljan što predmet revizionih izvješća za 2002. godinu nije završen, što se kasni i predlaže u što kraćem roku da se Komisija o njemu očituje.

G. Beriz Belkić je podržao potrebu brzog analiziranja Izvješća, ali se založio za ozbiljniji pristup ovoj problematici. Kako je svrha revizije prevencija nezakonitog trošenja sredstava, tada je i naša obaveza da damo svoje mišljenje i izvješće o njoj u što kraćem roku. Istakao je da će svoje izvješće završiti za nekoliko dana. Ujedno je predložio da se od Ureda za reviziju zatraži obavještenje o uočenim nepravilnostima i trendovima u odnosu na nalaze iz izvješća za 2002. godinu. On je dodao da se ovaj važni posao može obaviti samo ako postoji komunikacija između ove komisije i revizora. Predložio je da Centralna banka BiH, koja je van revizije koju vrše ovlašteni revizori BiH, treba biti u sistemu revizije.

G. Hazim Felić je podržao g. Belkića ističući potrebu bržeg rada na pojedinačnim izvješćima. On smatra da je neophodno kontaktirati institucije BiH, organizacije koje su predmet kontrole i provjeriti kakav je njihov stav po pitanju ranijeg izvješća.

Generalni revizor, Mr. Sc. Ivan Miletić je govorio o izvješću za 2002. godinu. Izrazio je žaljenje što o njemu Komisija nije donijela svoje očitovanje.

Njegov zamjenik, Mušović Samir je u obraćanju istakao značaj revizije i potrebu da se po revizionim izvješćima postupi od strane nadležnih organa. U tom kontestu, bilo bi dobro da komisija zatraži od Vijeća ministara ili od nadležnih sudova pismeni odgovor, kakoi koliko izvješća doprinose pravilnijem korištenju državnih sredstava.

Prof. dr. Zlatko Lagumdžija je ukazao na kontinuitet revizionih izvješća, pa se pitao da li je neki od nadležnih organa reagirao po izvješćima. Smatra da su revizionna izvješća trebali pobuditi određenu aktivnost državnih organa, ali nema povratnu informaciju o tome. On smatra da će svaki od članova Komisije savjesno obaviti traženu obavezu u vezi izvješća za 2002. godinu. On lično je u 2002. godini bio predsjedavajući Vijeća ministara pa neće raditi nijedno izvješće za 2002. godinu, ali će s zadovoljstvom raditi analizu kada dođe Izvješće za 2003. godinu.

Govoreći o funkciji revizora u sistemu kontrole rada državnih institucija, g. Lagumdžija je istakao postojanje dobre informacione strane revizije, ali je iskazao zahtjev da se izvještaji implementiraju.

G-đa Leho nije prihvatila diskusiju g. Lagumdžije za oslobađanje članova Komisije od zaduženja. Ona je ukazala na ranije donesene zaključke u svezi Zakona o javnim nabavkama, informacione sustave (i interne kontrole) te institut vršioca dužnosti (v.d.). Ujedno se pita šta je s povratnim informacijama o tome i koliko su ti zaključci pomogli u otklanjanju nedostataka. Ona je ukazala na poseban položaj Centralne banke BiH u sustavu revizije, kao i u sustavu sticanja i trošenja neophodnih sredstava. Predložila je da se obavi razgovor sa guvernerom Centralne banke, te da se raspravlja o svim pitanjima funkcioniranja Banke.

Predsjedavajući Komisije je na kraju sumirao rezultate rasprave te predložio zaključke koji su jednoglasno prihvaćeni. **To su slijedeći zaključci:**

- **rad na revizijskim izvještajima za 2002. godinu treba u ovoj komsiji okončati u roku od 15 dana,**
- **svi zaduženi članovi Komsije trebaju dogovrene izvještaje da prouče i da sačine svoje mišljenje o njima,**
- **treba tražiti od Ureda za reviziju finansijskog poslovanja institucija BiH obavještenje o uočenim nepravilnostima i trendovima u odnosu na nalaze iz 2002. godine, kako bi ih članovi Komisije koristili za izvještaje iz 2002. godine,**
- **od institucija BiH koje su predmet revizijske kontrole zatražiti informaciju ili izjašnjenje šta su učinili po nalazima i preporukama pomenutog izvješća.**
- **Zakazati i realizirati posjetu Centralnoj banci BiH u vezi otklanjanja određenih prepreka u zajedničkom radu i suradnji.**

Ad 03. Tekuća pitanja

O ovoj točki dnevnog reda nije bilo rasprave niti zaključaka.
Po okončanju ove točke dnevnog reda, završena je i sjednica Komisije.
Sjednica je završena u 11,25 sati.

Tajnik Komisije

dr. Zijad Hasić

Predsjedatelj Komisije

Nikola Kragulj v.r.